



গল্প শেয়ার করা

সবসময় আপনাকে শব্দগুলি পড়তে হবে না। ছবির বইগুলি দেখা ও সেগুলি সম্পর্কে কথা বলা আপনার শিশুদেরকে গল্প উপভোগ করতে উৎসাহিত করার এক দুর্দান্ত উপায়। আপনি যদি বাসায় অন্য কোনো ভাষায় কথা বলেও থাকেন, ছবি এবং গল্প সম্পর্কে নিজের ভাষায় কথা বলুন।

বই শেয়ার করার সময় আপনারা একসাথে অনেক আনন্দ পেতে পারেন:

- বইটির কভার সম্পর্কে কথা বলুন এবং শিরোনামটি নির্দেশ করুন।
- আপনার শিশুকে বইটি ধরতে দিন ও পৃষ্ঠাগুলি উল্টাতে দিন।
- তাদেরকে ছবিগুলি সম্পর্কে কথা বলতে উৎসাহিত করুন।
- বিভিন্ন চরিত্রের জন্য বিভিন্ন কন্ঠ ব্যবহার করুন। বিভিন্ন সাউন্ড ইফেক্ট ব্যবহার করুন, যেমন- ডোবার পানি ছিটানো, গাড়ির হর্ন বাজানো অথবা জন্তু জানোয়ারের ডাক।
- গল্পটি শেষ হয়ে গেলে, আপনি তাদের জিজ্ঞাসা করতে পারেন তাদের এটি পছন্দ হয়েছে কি না এবং তাদের কোনো প্রিয় চরিত্র আছে কি না।

স্টার টিপ

আপনাদের দুইজনের শেয়ার করার মতো জায়গা নিয়ে একটি গুহার মতো তৈরি করুন (একটি টেবিলের উপরে একটি কাপড় দিয়ে)। আপনি আপনার গুহাকে গল্পের অংশ করতে পারেন - এটি একটি দৈত্যের গুহা, রকেট বা রাজকন্যার টাওয়ার হতে পারে।



আপনি কি জানতেন যে শিশুদের পাঁচ বছর বয়সে নিয়মিত পড়তে সাহায্য করা হয়েছিল তারা 16 বছর বয়সে গণিত, শব্দমালা ও বানান পরীক্ষায় অন্যদের তুলনায় ভালো ফলাফল করেছিল?⁵

আপনি কি জানতেন শিশুদের প্রায়শই একটি খুব পছন্দের গল্প থাকে যা তারা বারবার শুনতে চায়? এটি তাদের শব্দের ক্রম শিখতে এবং লিখিত শব্দটিকে গল্পের সাথে যুক্ত করতে সহায়তা করে - যা পড়তে শেখার প্রথম ধাপ!

স্মল টক ধারণা

ছোট থাকতে আপনি কী করেছেন সে নিয়ে আপনার শিশুর সাথে কথা বলুন। পুরো পরিবারকে যুক্ত করুন - দাদা-দাদির কাছে তাদের বেড়ে উঠার সময়ের গল্পগুলি থাকতে পারে যা শেয়ার করার মতো!